



ДОМ НАРОДА
ПРЕДСТАВНИЧКИ ДОМ

DOM NARODA
PREDSTAVNIČKI DOM / ZASTUPNIČKI DOM

Привремена заједничка комисија оба дома
Парламентарне скупштине Босне и
Херцеговине за спровођење процедуре за
именовање једног члана Независног одбора као
независног тијела полицијске структуре Босне
и Херцеговине из српског народа

Privremena zajednička komisija oba doma
Parlamentarne skupštine Bosne i Hercegovine
za provođenje procedure za imenovanje
jednog člana Nezavisnog odbora kao
nezavisnog tijela policijske strukture Bosne i
Hercegovine iz srpskog naroda

Privremeno zajedničko povjerenstvo obaju
domova Parlamentarne skupštine Bosne i
Hercegovine za provođenje procedure
imenovanja jednog člana Neovisnog odbora
kao neovisnog tijela policijske strukture
Bosne i Hercegovine iz srpskog naroda

Broj:01,02-50-14-388-1,6/17
Sarajevo, 16.2.2017.godine

Na osnovu članova 4. i 5. Zakona o nezavisnim i nadzornim tijelima policijske strukture Bosne i Hercegovine ("Službeni glasnik BiH", broj:36/08), člana 8. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“, broj:37/03), člana 7. Poslovnika o radu Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda (u daljem tekstu: Privremena zajednička komisija) i Odluke o raspisivanju javnog konkursa za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda, broj:01,02-50-14-388-1,5/17 od 16.2.2017. godine, Privremena zajednička komisija, o b j a v l j u j e

**JAVNI KONKURS
za imenovanje
jednog člana Nezavisnog odbora
kao nezavisnog tijela policijske strukture Bosne i Hercegovine
iz srpskog naroda**

1/01 Član Nezavisnog odbora iz srpskog naroda

Članovi Nezavisnog odbora biraju se između predstavnika pravosudnih institucija, penzionisanih policijskih službenika, penzionisanih i aktivnih državnih službenika, istaknutih stručnjaka iz drugih oblasti javnog života, iz oblasti prava, kriminalističkih nauka i policijskih poslova.

1. Nadležnosti:

Nezavisni odbor je nezavisno tijelo Parlamentarne skupštine Bosne i Hercegovine koje djeluje isključivo na profesionalnim osnovama, ne zastupajući, ne štiteći niti podrivajući interese bilo koje političke stranke, registrovane organizacije ili udruženja, ili bilo kojeg

naroda u Bosni i Hercegovini. **Članovi** Nezavisnog odbora nadležni su za: provođenje procesa odabira kandidata i predlaganje smjenjivanja policijskih rukovodilaca i zamjenika rukovodilaca policijskih tijela BiH; objavljivanje javnih konkursa i razmatranje prijava kandidata, vršenje odabira i dostavljanje ministru sigurnosti BiH imena najviše pet kandidata za rukovodioce i imena najviše pet kandidata za zamjenike rukovodilaca policijskih tijela BiH; razmatranje pritužbi na rad rukovodilaca i zamjenika rukovodilaca policijskih tijela BiH i obavještanje o tome ministra sigurnosti BiH i Vijeća ministara BiH; iniciranje pokretanja disciplinskog postupka protiv rukovodilaca i zamjenika rukovodilaca policijskih tijela BiH; predlaganje smjenjivanja rukovodilaca i zamjenika rukovodilaca policijskih tijela BiH za čiji izbor je nadležan, ukoliko su počinili krivično djelo, odnosno ukoliko počine tešku povredu službene dužnosti, osim za krivična djela iz oblasti sigurnosti saobraćaja; ostale poslove propisane Zakonom o nezavisnim i nadzornim tijelima policijske strukture Bosne i Hercegovine ("Sl. glasnik BiH", br. 36/08), Poslovníkom o radu Nezavisnog odbora i drugim propisima; Nezavisni odbor obrađuje podatke i vodi evidencije u skladu sa zakonom i drugim propisima,

Jedan od kandidata bit će predložen za **predsjednika** Nezavisnog odbora. Predsjednik rukovodi radom i predstavlja Nezavisni odbor, priprema Nacrt poslovníka o radu i nacrt godišnjeg plana rada, podnosi godišnji izvještaj o radu, kao i druge potrebne izvještaje ovog radnog tijela, obavlja druge poslove u skladu sa zakonom i drugim propisima i odgovoran je za zakonitost rada.

Broj izvršilaca: jedan (1) izvršilac

2. Mandat

Mandat novoizabranog člana iz srpskog naroda, umjesto **razriješenog člana** Nezavisnog odbora traje do isteka aktuelnog četverogodišnjeg mandata razriješenog člana, odnosno do 17.3.2018. („Službeni glasnik BiH“, broj 20/14 od 17.3.2014. godine).

Status : Član Nezavisnog odbora ima prava i obaveze proistekle iz Ustava Bosne i Hercegovine, zakona i podzakonskih akata, a neće imati radnopravni status. Sredstva za rad i naknade za rad osiguravaju se u budžetu Parlamentarne skupštine Bosne i Hercegovine.

3. Uslovi

Kandidat za člana Nezavisnog odbora kao nezavisnog tijela policijske strukture Bosne i Hercegovine u skladu sa Zakonom o nezavisnim i nadzornim tijelima policijske strukture Bosne i Hercegovine („Službeni glasnik BiH“, broj:36/08) i Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“, broj 37/03) mora ispunjavati **opće i posebne uslove:**

Opći uslovi: da je državljanin Bosne i Hercegovine stariji od 18 godina; da nije otpušten iz državne službe u institucijama Bosne i Hercegovine, odnosno entiteta, kao rezultat disciplinske mjere u periodu od tri godine prije dana podnošenja prijave za upražnjeno mjesto; da nije obuhvaćen odredbom člana IX stav 1. Ustava Bosne i Hercegovine,

Posebni uslovi: visoka stručna sprema - VII stepen; da dolazi iz reda predstavnika pravosudnih institucija, ili da je penzionisani policijski službenik, penzionisani ili aktivni državni službenik; ili istaknuti stručnjak iz drugih oblasti javnog života, oblasti prava, kriminalističkih nauka i policijskih poslova; da nije osuđen za krivično djelo osim za krivično djelo iz oblasti sigurnosti saobraćaja; da nije član političke stranke.

4. Potrebni dokumenti

Kandidat je dužan da uz prijavu na javni konkurs dostavi i originale ili od nadležnog organa ovjerene kopije dokumenata:

- 1) svojeručno potpisanu radnu biografiju (CV) sa izjavom o nacionalnom opredjeljenju, adresom i brojem telefona za kontaktiranje;
- 2) ovjerenu kopiju fakultetske diplome (nostrificirane diplome ako fakultet nije završen u Bosni i Hercegovini ili je diploma stečena nakon 06.04.1992. godine u nekoj od država nastalih na području bivše SFRJ, odnosno ovjerenu kopiju rješenja nadležnog organa iz Bosne i Hercegovine o priznavanju diplome u slučaju da fakultet nije završen u Bosni i Hercegovini) a kandidati koji su visoko obrazovanje stekli po Bolonjskom procesu školovanja - najmanje 240 ECTS bodova - uz ovjerene kopije univerzitetskih diploma trebaju dostaviti i ovjerene kopije dodatka univerzitetskih diploma;
- 3) uvjerenje o državljanstvu Bosne i Hercegovine, ne starije od šest mjeseci;
- 4) svojeručno potpisanu izjavu i ovjerenu kod nadležnog organa da nije otpušten iz državne službe u institucijama Bosne i Hercegovine, odnosno entiteta kao rezultata disciplinske mjere u periodu od tri godine prije dana podnošenja prijave za upražnjene pozicije;
- 5) svojeručno potpisanu izjavu i ovjerenu kod nadležnog organa da nije obuhvaćen odredbom člana IX. stav 1. Ustava Bosne i Hercegovine;
- 6) svojeručno potpisanu izjavu i ovjerenu kod nadležnog organa da nije član političke stranke;
- 7) svojeručno potpisanu izjavu i ovjerenu kod nadležnog organa da mu nije izrečena zatvorska kazna za krivično djelo počinjeno s umišljajem u skladu sa krivičnim zakonima u Bosni i Hercegovini, te saglasnost da ova Komisija može, po potrebi, po službenoj dužnosti zatražiti od nadležnog policijskog tijela dokaz o neosuđivanosti;
- 8) svojeručno potpisanu izjavu i ovjerenu kod nadležnog organa da nije u sukobu interesa odnosno da ne obavlja aktivnosti koje dovode do nespojivosti utvrđenih Zakonom o sukobu interesa u institucijama vlasti Bosne i Hercegovine;

Pored navedenih dokumenata kandidat treba dostaviti dokaz (potvrda ili uvjerenje nadležne institucije) da: dolazi iz reda predstavnika pravosudnih institucija, penzionisanih policijskih službenika, penzionisanih ili aktivnih državnih službenika, istaknutih stručnjaka iz drugih oblasti javnog života, oblasti prava, kriminalističkih nauka ili policijskih poslova.

***Napomena:** Dokumenti se dostavljaju u originalu ili ovjerenjima. Dokumenti priloženi uz prijavu na javni konkurs neće biti vraćeni kandidatima, s obzirom na odredbe člana 16. Zakona

o ministarskim imenovanjima, imenovanjima Vijeća ministara i drugim imenovanjima Bosne i Hercegovine.

5. Sukob interesa:

Kandidat za člana Nezavisnog odbora ne može obavljati aktivnosti koje dovode do nespojivosti utvrđenih Zakonom o sukobu interesa u institucijama vlasti Bosne i Hercegovine („Službeni glasnik BiH“, br.13/02,16/02, 14/03, 21/04, 63/08, 18/12, 87/13 i 41/16);

6. Sigurnosna provjera:

Lice koje bude imenovano na navedenu dužnost podliježe postupku sigurnosne provjere u skladu sa članom 3. stav (1) tačka a) Odluke o listi dužnosti koje obavljaju imenovana lica za koje je potrebno provesti sigurnosnu provjeru, Broj: 01,02-05-4-1459/15 od 29.12.2015. a na osnovu člana 35.stav (2) Zakona o zaštiti tajnih podataka („Službeni glasnik BiH“,br. 54/05 i 12/09).

7. Napomena za sve kandidate:

Pored općih i posebnih uslova u skladu sa članom 4. stav (4) Zakona o nezavisnim i nadzornim tijelima policijske strukture Bosne i Hercegovine) kandidat za člana Nezavisnog odbora ne može biti lice osuđeno za krivično djelo, osim za krivično djelo iz oblasti sigurnosti saobraćaja. U skladu sa navedenim, Privremena zajednička komisija će po službenoj dužnosti pribaviti dokaz za kandidate čije prijave budu prihvaćene.

Kandidati koji budu ispunjavali uslove Javnog konkursa bit će pozvani na intervju. O vremenu i mjestu će biti blagovremeno obaviješteni.

Cilj intervjuja je utvrditi stručnost i kandidatovu osposobljenost za obavljanje traženih zadataka, te krajnju i ukupnu ocjenu kandidata.

Kandidat je dužan dati informaciju o bilo čemu, što može rezultirati sukobom interesa u slučaju da dođe do njegovog imenovanja.

Privremena zajednička komisija će, nakon obavljenog intervjuja i ocjenjivanja, listu uspješnih kandidata dostaviti Predstavničkom domu i Domu naroda Parlamentarne skupštine Bosne i Hercegovine radi imenovanja.

8. Način i rok podnošenja prijave

- Javni konkurs objavljuje se u "Službeni glasnik BiH", "Službeni glasnik Brčko Distrikta BiH" i na web-stranici Parlamentarne skupštine Bosne i Hercegovine www.parlament.ba (Sekretarijat/Oglasi/Konkursi/Interno/), te obavještenje o javnom konkursu u dnevnim listovima „Večernji list“, „Euro Blic“ i „Oslobođenje“.

- Javni konkurs ostaje otvoren 15 dana od dana objave u „Službenom glasniku BiH“.

- Prijave s traženim dokumentima dostaviti poštom preporučeno, uz upozorenje „ne otvarati“, na adresu:

Parlamentarna skupština BiH

Privremena zajednička komisija oba doma Parlamentarne skupštine Bosne i Hercegovine za provođenje procedure za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda

(broj 1)
**„JAVNI KONKURS za imenovanje jednog člana Nezavisnog odbora kao nezavisnog tijela
policijske strukture Bosne i Hercegovine iz srpskog naroda – NE OTVARATI“;
71000 Sarajevo, Trg Bosne i Hercegovine br. 1**

Napomena: Neblagovremene prijave neće biti razmatrane, a nepotpune i neuredne prijave bit će odbačene.